

*Prasouris aucta* F. und *Beccabungae* Illg. Auf Wasser-pflanzen.

*Adimonia rufa* Dft. An Gartenmauern.

(Schluss folgt.)

## Lepidoptera nova

a D<sup>r</sup>e. Carolo Semper in insulis Philippinis collecta diagnosibus exposuerunt  
**C. et R. Felder.**

Series secunda.

### 31. Ornithoptera Magellanus Nob.

*Alis anticis acuminatis, apud marginem externum nonnihil concarisi,*  
♂ *ris nigris, venis disci sulphureo marginatis, ♀ nae cano-fuscis,*  
*venis omnino albido limbatis, posticis ♂ ris aureo-flavis, nigro-*  
*venatis, maculis marginalibus in margine ipso confluis, acute*  
*trigonis, ♀ nae nigricantibus, plaga basali nigro venata macu-*  
*lisque externis magnis lunaribus pallide aureo-flavis, vitta interna*  
*albida, thorace atro, collari pectorisque lateribus laete sanqui-*  
*neis, abdome utriusque sexus albido-brunneo, sulphureo ato-*  
*mato, stigmatibus nigris, in ♂ re maculis lutescentibus, grossis,*  
*in ♀ na cingulis ventralibus nigris.*

♂ *Babuyanae* (Camiguin). ♀ *Luzon.* — Proxima secundum alarum  
posticarum formam hujus speciei affinis est *O. Rhadamanthus*  
*Boisd.*, sed *Amphrisii* Cram. magnitudinem nostra fere aequat. Ab  
omnibus congeneribus alarum antistarum forma signaturisque posti-  
carum in femina recedit.

### 32. Papilio Semperi Feld.

*P. Jupiter* Boisd. in litt. \*).

♂ *Alis supra omnino piceo-nigris, chalybaeo parum tinctis, posticis*  
*leviter sinuatis, brevissime caudatis, margine anali haud exciso,*  
*subtus punctis duobus pone cellulam, maculis tribus lunulisque*  
*totidem marginalibus, fasciola posteriore cum lunula ultima*  
*connata, dilute erythrinis, scapulis thoracisque lateribus superis*  
*latis atris.*

Margo internus alarum posticarum hujus sexus bis revolutus, cucullatus  
et alae anticae acuminatae et sat angustae affinitatem cum *P. Varuna*

\* ) Diagnosin speciei conscripseramus et nomen illi imposueramus,  
antequam *Boisduvaliana* denominatio nobis nota fuit. Dom. Lorquin plura  
eximi hujus Papilionis specimina Parisios misit, et masculina et feminina.

White comprobant. Specimen femineum a cel. Lorquin collectum, quod ante nos habemus, a Semperiano nonnihil discrepat.

### 33. *Papilio Hipponeus* Nob.

*Alis spathulato-caudatis, ♂ris fuscis, ♀nae multo dilutioribus, anticis maculis nonnullis analibus albidis, posticis fascia pone cellularam, maculis septem composita, in ♀na multo latiore et magis irregulari, albido-sulphurea, subtus maculis insuper atromariis caeruleis exterioribus lunulisque septem marginalibus, in ♀na saturate fulvis, in ♂re obsoletis maculisque in sinibus marginis albis.*

Luzon. Mindanao. Coll. Semper et Felder. — Varietas geographica *P. Canopi* Westw. Novae Hollandiae\*).

### 34. *Papilio Hystaspes* Nob.

*Alis anticis subfalcatis, posticis cauda subspathulata, omnibus nigrofuscis, posticis plaga subapicali supra sulphureo tincta quinquepartita (segmento primo transverso cellulari), subtus alba, quadrifida, lunulis submarginalibus, supra obliteratis maculisque duabus interioribus, supra rufescensibus, subtus multo majoribus, aurantiaco-fulvis, ibidem maculis quatuor in sinibus marginalibus albis ♂.*

Luzon. — *P. Heleno* Lin. affinis, sed major parum. Cum *P. Isvara* White et *Araspe* Feld., quae forma praesertim alarum inter se differunt, minus habet similitudinis.

### 35. *Papilio Melanthus* Nob.

*Alis utrinque fusco-brunneis, anticis fascia lata, irregulariter triangularis, apicem versus maculari, flavido-virente, posticis supra fascia perlata discali diffusa albida, subtus macula magna costata albicante. ♂*

Mindanao. (Semper.) Bourias. Loeban. Coll. Felder. (Lorquin.) — Certe subspecies geographica *P. Codri* Cram. moluccani, sed quarta fere parte minor et characteribus supra scriptis bene distinguendus.

### 36. *Papilio Euphrates* Nob.

*Alis albidis, anticis fasciolis quinque costalibus aequidistantibus limboque externo, striga fundi colore diviso fuscis, posticis supra*

\*) Forte eadem est haec species cum *P. Dirono* Gray List of Lep. ins. of B. M. I. 1856 p. 24. Non minus quam tredecim novas Papilionidas iste catalogus enumerat absque ulla diagnosi vel descriptione. Idem de catalogo cel. Doubledayi sub eodem titulo edito monendum.

*limbo toto externo caudaque griseo marginata fuscis, subtus basi virescenti tinctis, strigis tribus rectis in regione basali, quarta maculari pone eas, serie externa macularum trapeziformium lutescentium, extus late nigro cinctarum lunulisque a margine bene remotis grossis, nigrescentibus, macula majore apud sinum analem atra macula lutea notata.* ♂

Luzon. Coll. Semper et Felder. (Lorquin). — Sufficiet diagnosis superna ad distinctionem hujus formae a *P. Antiphate* Cram., cum quo cel. Boisduval eam in collectione confudit. Nostra specimina minora sunt, quam *Antiphates* Cram. \*).

### 37. *Leptocircus Decius* Nob.

*L. Meges* Boisd. in litt.

*Alis supra atris, fascia communi angusta recta viridula, anticis utrinque plaga exteriore lata trigona, venis divisa hyalina, subtus omnibus nigro-fuscis, fascia paginae superioris, sed argentea.* ♂

Luzon. Coll. Semper et Felder. (Lorquin.) — Medius inter *L. Curium* Fabr. et *Megem* Zink., illi vero affinior.

### 38. *Pieris Blanea* Nob.

*Alis fusco-nigris, ciliis albo intersectis, anticis maculis discalibus, aliis subcostalibus longitudinalibus maculisque submarginalibus plus minus sagittatis, albis, cinereo atomatis, subtus multo distinctioribus, posticis supra margine externo abescente, plaga interiore exciso-dentata flavescente maculisque submarginalibus subrhombis glauco-cinereis, subtus area tota discali marginaque interno laete citrinis, nigro venatis maculisque sex submarginalibus bifidis albis, glauco-cinereo marginatis apud plicas.* ♂

Luzon. — *P. Themidi* Boisd. Hew. Exotic. Butterfl. Vol. II. gen. tab. V fig. 31, 32 proxima videtur venusta haec species, sed minor est, alas breviores et anticarum marginem externum subconvexum exhibet. In memoriam P. Manoelis Blanco, Ord. S. Augustini, primi ex Monachis manilensis naturae curiosi speciem nomi navimus.

\*) *P. Coretes* Gray l. c. p. 42 verosimile eadem species est.

\*\*) *L. Corion* Gray l. c. p. 86 fortasse isdem.

39. *Pieris luzonensis* Nob.

*Alis anticis albis, venis trienteque apicis late nigricantibus, hoc subtus fascia maculari distincta sulphureo-albicante diviso, posticis supra cretaceo-albidis, venis margineque externo late nigricantibus, hoc maculis grossis obscure carneis ornato, subtus laete flavis, nigro venatis, limbo toto externo nigro, maculis quinque cinnabarino-rufis, optime a fundo distinctis notato.* ♀

Luzon. Coll. Semper et Felder. (Lorquin.) — Forma geographicā *P. Hyparetes* Lin., alae vero latiores et breviores apparent.

40. *Pieris Nathalia* Boisd. in litt.

*Alis supra albis, anticis costa margineque externo angusto nigris, subtus omnibus pallide ochraceis, anticis introrsum albescen- tibus.* ♂

Luzon. Coll. Semper et Felder. (Lorquin.) Malacca. Coll. Felder. — Varietas *P. Pandae* Godt., colore solum aliquis anticis magis acuminatis diversa.

41. *Pieris Domitia* Nob.

*P. Nero* Fabr. var. *Charpentieri* Boisd. in litt.

*Alis supra croceis vel rubris, anticis ad apicem modice productis, venis omnium alarum ad extima nigris, anticarum supra limbo terminali, subtus margine externo, posticarum utrinque margine toto externo fusco atomariis, his subtus saturate luteis vel croceo-ochraceis, fasciola atomaria fusca a cellula bene distante.* ♂

Luzon. Coll. Semper et Felder. (Lorquin). — *P. Neronis* Fabr. subspecies, sed alis anticis apud apicem multo minus porrectis lationibus facile diversa. In coloribus variat similiter, ut *P. Zarinda* Boisd. Observandum est, *P. Neronem* etiam in paeninsula Malayica aurantiaco coloratum obvenire.

42. *Pieris Zamboanga* Nob.

*Alis supra fuscis, anticis fascia lata interiore recta, macula subcostali bipartita binisque exterioribus adjacentibus sulphureo-flavidis, posticis fascia discali saturate flava subdiffusa, his subtus albidis, omnino violascenti nitidis, limbo externo late fusco, costa margineque externo croceo-flavis.* ♂

Mindanao. — *P. Melaniae* Fabr. affinis est, sed alarum anticarum forma fere ut in *P. Domitia* supra exposita.

**43. Pieris Asterope Boisd. in litt.**

*Alis albidis, supra basi fusco atomosis, anticarum costa limboque terminali intus leriter sinuato, posticarum limbo externo toto nigro-fuscis, subtus omnium limbo multo pallidiore, violascenti tincto, maculis obsoletis albidis notato, posticis costa croceo-flava, limbo interno croceo-flavido lavato.* ♀

Luzon. — Praecedenti sat affinis. In pagina superiore *P. Margaritae* Hübn. ♀ subsimilis apparet.

**44. Pieris Agave Boisd. in litt.**

*Alis supra albis, ♂ris anticis costa cinereo atomata, macula exteriore margineque terminali nigris atomariis, ♀nae costa, limbo terminali (intus bisinuato), maculis tribus albis dissitis notato anticarum posticarumque limbo toto externo supra nigro-fuscis, subtus pallidioribus, violaceo tinctis, posticis ibidem plus minus flavido lavatis, limbo earum externo infra venam discoidalem profunde inciso.*

Luzon. Coll. Semper et Felder (Lorquin). — Forma geographica *P. Melaniae* Fabr. Diagnosis sufficit ad distinguendam eam.

**45. Pieris Zamora Nob.**

*Alis supra albis, anticis macula discali rotundata limboque terminali apud ramum medianum primum recte truncato, fascia maculari alba diriso nigro-fuscis, subtus anticis concoloribus, maculis duabus grossis fasciolaque secundae adnexa anguste fuscis, posticis ochraceis, strigis duabus flexuosis brunneis, obsoletis, limbo interno sulphureo.* ♂

Mindoro. — *P. Phoebe* Feld. (Wien. Ent. Monatschrift V. p. 299) quam maxime similis et certe mutatio localis. Specimen a cel. Dre. Semper missum majus est, quam *P. Phoebe* ab eo lecta et limbo supero alarum anticarum angustiore, maculis quatuor magnis albis duabusque obsoletioribus seriatis persecto, macula mediana prima in earum pagina inferiore oblitterata fasciolaque subapicali ibidem apparente multo graciliore diversum. Dr. Semper in monte Mari-veles insulae Luzon (alt. 2000 ped.) specimen *Phoebe*s cepit, quod alas posticas subtus densissime brunneo atomatas habet, sicut *P. Pandione* Hübn.

46. *Pieris Nephele* Boisd.

♀ *Alis supra fuscis, anticis fascia subaequalata, alba, intus sulphureo-flavescente, apud venam discoidalem superiorem desinente, posticis fascia lata discali sulphureo-flavicante, margine interno albo, his subtus laete sulphureo-flavis, limbo externo ad apicem costae truncato fusco, violaceo subnitente.*

Luzon. — Marem hujus eximiae speciei *P. Ithomae* Feld. (Wien. Ent. Monatschrift III. p. 180 t. 4. fig. 1) vicinae in serie prima hujusce commentarioli breviter descripsimus. Eodem fere tempore cel. Hewitson hunc sexum iconem expressit. (Exot. Butterfl. Vol. II gen. t. V fig. 33). Specimina, quae cel. Boisduvalii exemplum secuti, feminas *Nepheles* putavimus, speciem sistunt propriam valde diversam. Dom. Lorquin mares solum, Dr. Semper autem feminam unicam collegit, quam frater ejus benigne nobis transmisit, errorem dictum corrigens.

47. *Pieris Boisduvaliana* Nob.

*P. Nephele* ♀ Boisd. in litt. Feld. Wien. Ent. Monatschrift V. p. 299.

*Alis supra albis, anticarum costa limboque terminali, posticarum limbo toto externo nigro-fuscis, introrsum integris, anticis subtus costa limboque externo nitenti fuscis, basi sulphureo-flava, macula subapicali costali bipartita saturate flava aliisque submarginalibus grisecentibus obsoletis, posticis saturate flaris, limbo externo introrsum inaequaliter repando-dentato, nitide fusco, macula griseo-lilascente tribusque luteis atomariis ornato.* ♂

Luzon. Coll. Semper et Felder. (Lorquin.) — Priori absque dubio proxima affinis propter cellulæ alarum posticarum formam, quae latior et brevior, quam in praecedentibus, appareat. Differt autem alis latioribus anticisque ad apicem multo minus productis.

48. *Pieris Illana* Nob.

*Alis supra albis, basi cinereo atomosis, anticis limbo terminali, intus acute inciso-dentato maculisque duabus adjacentibus (secunda majore) in margine anali nigro-fuscis, posticis subtus omnino albis, utrinque venis ad extima fusco conspersis.* ♂

Mindanao. — *P. Polismae* Hew. Exot. Butterfl. Vol. II gen. t. IV. fig. 38 valde affinis videtur. Certe maxime aberrantem totius sistunt sectionis (*P. Paulinae*) typum haec formæ, faciem fere *Teriadum* quarundam (sectionis *T. Egnatiae* Boisd. *Pallenes* Hew. etc.) praestantes.

49. *Eronia Boebera* Eschscholtz.

*Pieris Valeria* Boisd. in litt., non Cram.

*Alis anticis margine externo concavo, omnibus ♂ris supra venis nigro-fusco marginatis, anticis costa limboque externo ad apicem et apud angulum internum latiore, obsolete albido maculato nigro-fuscis, posticis limbo externo brunneo regioneque anali fusca, his subtus margaritaceo-albidis, fusco venatis, limbo externo omnium ibidem brunneo atomario, maculis seriatis diviso, ♀nae utrinque albis (subtus margaritaceo nitidis), venis antecarum late fusco limbatis, posticarum fusco marginatis, limbo externo omnium maculis plus minus rotundatis albis notato lineisque binis in cellula antecarum nigro-fuscis.*

Luzon. Coll. Semper, et Felder. (Lorquin.) Mindoro. Coll. Semper. — Ab *E. Valeria* Cram. typica, quae formam Javae sistit, facile philippina differt alarum antecarum forma, limbo externo paginae superioris venisque multo latius fuscis. Simillima huic geographicae varietati ceylanica est, quae mox in lucem edemus. Cel. Eschscholtz feminam solam sub nomine „*Paphia Boebera*“ iconē exhibuit. (Kotzebue's Entdeckungsreise in die Südsee. 1821. Vol. III.) \*).

50. *Eronia Phocaea* Feld.

♀ *Alis albis, subtus margaritaceo-nitidis, omnibus venis supra late fusco-, subtus brunneo marginatis. limbo externo late fusco, subtus brunneo, maculis externis albis parvulis plus minus rotundatis, subtus minoribus obsoletioribus diviso, anticis lineis duabus cellularibus, posticis unica fuscis, subtus brunneis.*

Mindanao. — Ab *E. Argolide* Feld. moluccana ♀ differt alis brevioribus et angustioribus, venis multo angustius fusco limbatis, linea unica cellulari posticarum et statura minore, ab *E. Boebera* Eschsch. ♀ alis anticis in margine externo multo minus excavatis, maculis externis multo minoribus limbo posticarum latiore, venis earum multo latius limbatis lineaque in cellula apparente.

\*) Cel. Doubleday (Gen. of diurn. Lepidopt.) boni hujus opusculi, quod prima continet Lepidoptera ex insulis Philippinis collata, apud *Papilionidas* solum facit mentionem. Cel. Boisduval illud plane omissit. Qua re factum, quod *Lycaenam Schäfferam* Eschsch. iterum exposuimus, „*Danis Absyrtus*“ nominatam. (Wien. Ent. Monatschr. III. p. 240 IV. p. 275). Cel. Boisduval eam sub nomine „*Isselia Hippodamis*“ in collectionem suam inseruit.

**51. *Terias Alitha* Hopff. in litt.**

*Alis supra saturate flavis, anticarum costa, limbo terminali introrsum sinuato rillaque lata limbum totum internum tegente confluis, posticarum margine apicis intus trisinuato limboque lato postico nigro-fuscis, subtus omnibus citrinis, maculis minutis apud plicarum extima nigerrimis, posticis striga atomaria refractuosa brunnea, vix distincta.* ♂

Mindanao. — Ad sectionem *T. Candiae* Cram. pertinet egregia haec species illiusque expansionem habet.

**52. *Phaedra tagalica* Nob.**

*Anops Bulis* Boisd. in litt.

*Alis ♂ris supra cupreo-fulvis, anticarum costa sat angusta, limbo apicis marginaque angusto externo posticarum nigris, his dimidio interno fuscescenti villoso, ♀ nae fuscis, anticarum plaga discoidali subelliptica, posticarum macula magna perobliqua exteriore dilute cuprino-fulvis, subtus omnibus albis, glaucescenti plus minus tinctis, striga tenui pone discum undulosa, altera externa obsoleta nigrescentibus punctisque minutis submarginalibus nigris.*

Luzon. Col. Semper et Felder. (Lorquin.) — Medium tenet inter *Ph. Cinyram* Cram. Indiae meridionalis et *Barsinen* Feld. Amboinae, sed ab ambabus pagina inferiore optime dignoscitur. In India quoque boreali provenit sed commutata. *Ph. Bulis*, ut a cel. Hewitson in opere „Genera of diurnal Lepidoptera“ icona exposita fuit, species est in secundam generis sectionem pertinens. (Cf. Moore, Catal. of Lep. Ins. of E. I. C. Vol. I.). — Quum nomen Fabricianum specificum „*Phaedrus*“ nomini „*Thetys*“ a cel. Drury condito cedere debeat, Horsfieldiana appellatio pro genere *Anope* recipienda est.

**53. *Phaedra obsoleta* Nob.**

*Alis supra fuscis, anticis atomis apud venam medianam, posticis litura minutissima exteriore, cupreo-fulvis, subtus omnibus albidis, brunnescenti atomatis, striga valde flexuosa nigrescente pone discum punctisque submarginalibus nigris.* ♂

Mindanao. — Omnibus congeneribus nobis cognitis minor. Species *Ph. tagalicae* proxima videtur.

**54. *Phaedra nesophila* Nob.**

*Alis ♂ris supra cupreo-rutilantibus, anticis costa, triangulo lato apicali marginaque postico nigris, posticis angustissime nigro*

*marginatis, ♀nae saturate fuscis, anticarum plaga oblonga discali, plicam primam medianam haud excedente, posticarum macula magna perobliqua exteriore, saturate cupreo-fulvis, subtus omnibus albis, striga pone discum tenui undulosa canescere punctisque minutis submarginalibus atris.*

Luzon. — *Ph. insulari* Horsf. proxime accedit. Femina ei praecedentis valde similis est, sed saturatius colorata, alis latioribus, anticis ad apicem haud productis instructa.

### 55. *Myrina Manilana* Nob.

*Alis ♂ris supra saturate cyaneis, anticarum limbo costali, apicali et externo late nigro-fuscis, posticarum limbo costali usque ad plicam discoidalem, margine externo limboque interno concoloribus, ♀nae ibidem dilute cyaneis, undique late fusco limbatis, subtus omnibus utriusque sexus cano-brunneis, anticis striga parum undulata pone medium alteraque obsoleta continua, externa ferrugineo-brunneis, posticis striga media flexuosa, extus albo marginata, intus et extus in parte superiore late ferrugineo limbata, striga altera externa undata ferrugineo-fuscis.*

Luzon. Coll. Felder. (Lorquin.) — *M. Vivarna* Horsf. vicaria. A speciminibus ejus ex India septentrionali allatis statura minore, femina supra cyaneo colorata, spatio cyaneo alarum anticarum ♂ris multo minore, posticarum vero latiore, striga prima infera alarum anticarum paullum undulata, a margine multo magis distante, striga discali posticarum magis flexuosa, ab exteriore magis remota differt.

Angli auctores has formas ad *Arhopalas* numerant, quibus facie et colore persimiles. Antennae autem distincte clavatae, subtus albido parum annulatae sunt, rami subcostales alarum anticarum multo magis horizontaliter directi, quartus eorum a vena discoidali superiore haud longe distat, venula idcirco discocellularis suprema multo brevior fit.

### 56. *Myrina discophora* Nob.

*Alis posticis in regione anali dentatis, cauda unica breviuscula, omnibus supra violasceni-caeruleis, margine externo perangusto nigro, anticis macula cellulari subquadrata nigricante, squamis elatiioribus constituta, posticis apud angulum analem nigris, ibidem maculis tribus fundi colore albido atomatis ornatis, subtus omnibus argenteo-albis, posticis striga interiore interrupte undata lineaque anteciliari nigris, maculis quatuor interjectis fulvis, nigro cinctis, prima inter ramos primos venae medianae*

*sita omnium maxima quartaque anali extus nigro foetis, secunda punctiformi. ♂*

Alabat. — Propriam formare debet sectionem mira haec species. Facie et colore supero *Arhopalis* subsimilis est, sed venarum subcostalium in alis anticis dispositio antennarumque forma ad *Myrinas* illam rejiciunt. Antennae vero supra distinctissime albo annulatae sunt. Magnitudinem fere habet specimen unicum *Arhopalae Helii* Cram. Rami mediani alarum posticarum omnino ut in *Arhopalis* directi sunt.

### 57. *Myrina Lefebvrei* Nob.

Nov. Gen. *Lefebvrei* Boisd. in litt.

*Alis tricaudatis, cauda media longiore, supra omnibus fuscis, anticis plaga discali alba, in ♀na multo majore, in ♂re introrsum atomis caeruleis limitata, posticis subtus castaneo-fuscis, limbo externo dimidioque interno ochraceo-fulvis, fasciola basali maculaque costali albis, macula cellulari (in ♀na multo majore trigona) alteraque pone discum albis, nigro limbatis, hac fasciola arcuata plumbeo-caerulea, nigro marginata ad basin ducta, striga submarginali lunularum, nigro extrorsum foetarum plumbeo-caerulantum, illa inter venam internam superiorem et ramum medianum primum sita omnium maxima, striola postposita alba.*

Luzon. Coll. Semper et Felder. (Lorquin.) — Expansionem *Myrinae Lisiae* Fabr. habet. Sat similis species est *M. Syrinx nostra amboinensis*, sed palpos gerit multo breviores.

Species philippina secundum palporum antennarumque formam et venarum subcostalium alarum anticarum distributionem sectioni *M. Tharidis* Hübn. quam maxime affinis, sed abdominis formatione, aliquis multo longioribus, posticis in regione anali multo minus productis valde diversa. Abdomen enim ♂rum multo angustius et gracillimum est et alas posticas distincte superat. Formatio ejus illi in genere *Mileto* observandae valde similis est. Abdomen femininum etiam longius et angustius est, quam in caeteris *Myrinae* generis sectionibus.

### 58. *Myrina Theda* Boisd. in litt.

*Alis ♂ris supra violaceis, anticarum ramificatione mediana cupreo aspersa, ♀nae fuscis, anticis plaga discali sinuata alba, subtus omnibus utriusque sexus albis, anticis maculis duabus basalibus nigricantibus, dimidio fere externo fusco, fasciola alba postica*

*ornato, posticis fasciola baseos, maculis sex disci, striga geminata refractuosa alteraque externa nigris, maculis quatuor marginis postici intus plumbeo-virescenti cinctis, extus albo marginatis, tertia cinerea, reliquis nigris litura plumbeo-virescente ad angulum analem.*

Luzon. Coll. Semper et Felder. (Lorquin.) — *M. Ravindrae* Horsf. proxima, alis vero latioribus ramoque tertio subcostali alarum anticarum ad apicem bifido sat diversa.

#### 59. *Myrina Orpheus* Boisd. in litt.

*Alis bicaudatis, cauda exteriore multo longiore, omnibus supra fuscis, ♂ris aeneo et purpureo in certo situ micantibus, venis margineque eleganter cupreo-fulvis, ♀nae anticus apud discum fulvo-brunneis, posticis utriusque sexus in regione anali nigris, in ♂re maculis duabus, in ♀na tribus multo majoribus albis notatis, subtus omnibus albidis, fulvo marginatis, posticis striga maculari per obliqua in regione anali maculisque tribus difformibus plumbeo-virenti atomatis pone eam atris.*

Luzon. Coll. Semper et Felder. (Lorquin.) — Eximia haec species magnitudinem *M. Jaffrae* Godt. habet. In pagina inferiore *M. Amritae* Feld. malayanae parum similis est, sed multum discedit sectura alarum, venarum distributione et palporum forma. Secundum venae subcostalis alarum anticarum ramificationem sectioni *M. Longini* Fabr., quam falso (Lep. Malayica in Wien. Ent. Monatschrift. IV. p. 396) ad *Pseudolycaenas* retulimus, affinis est, palpos vero gerit iis *M. Tharidis* Hübn. valde similes. Duas feminas et unum venustissimum marem a Domina Anna Semper collectum perspeximus.

#### 60. *Myrina Jalajala* Nob.

*Alis supra dilute caeruleis, anticus costa, limbo apicali margineque postico fuscis, posticis macula anali nigra, aurantiaco intus circumdata, omnibus subtus pallidissime canescenti-brunneis, striga exteriore in posticis angulum analem versus bis inflexa binisque submarginalibus macularibus nigricantibus, fundo limbali albo impositis, posticis macula magna subanali alteraque anali minore nigris, aurantiaco amplexis. ♂*

Luzon. (Anna Semper.) — In sectionem *M. Longini* Fabr. pertinet, qua paullo minor. Characteres hujus sectionis et affinitates alio exponemus loco. Cel. Hewitson Catal. of Lycaenidae of B. M. recte ex *Amblypodiarum* serie eas excludit.

### 61. *Myrina Lazarena* Nob.

*Alis supra fuscis, in regione mediana caeruleo paullum atomatis, subtus ferrugineis, anticarum striga exclamationis discali, fascia exteriore maculari strigaque obsoleta postica cum limbo interno confluis, posticarum costae origine, fasciola subcostali, altera angusta interiore, perobliquis, litura discocellulari, macula grossa ad costae apicem, fascia pone discum maculis nigrofoetis composita, invicem connexis argenteo-albis, his serie marginali macularum argenteo cinctarum, quinta duabusque ultimis, analibus aterrимis, fundo inter eas et fasciam dictam ochraceo-brunnescente.* ♀

Mindoro. — Valde similis *M. Rochanae* Horsf., sed alae posticae minus angulatae, latiores et longius caudatae. Varietas videtur geographica *M. Timoleontis* Stoll. (*Maecenatis* Fabr.?). Ad *Dipsades* jam spectant hujus sectionis species, quas sicut et affinem sectionem *M. Epiri* Feld. alio loco descripturi sumus.

### Hypolycaena Nob.

Diversitatem *M. Eryli* G odt. et affinium (*Sipyli* Feld., *Aetoli* Fabr.) jam 1860 Wien. Ent. Monatschrift IV. p. 395 observavimus. Characteribus ibidem scriptis accedunt antennae distinctissime sed remote albo annulatae. Nunc tribus ulterioribus speciebus nobis communicatis, proprium ex his formis constituere genus, haud cunctamur. Valde affinis ei est *Thecla Evagoras* Don. Westw., sed vena subcostali alarum anticarum quadriramosa antennisque crassioribus, haud annulatis differt. Haec species si *Hypolycaenis* addenda est, eas a *Myrinis* palporum sola formatione, ut l. c. indicavimus, distinguere potes.

### 62. *Hypolycaena Tmolus* Nob.

*Alis supra fuscis, anticis plaga discali alba diffusa, nigro liturata, posticis macula subanali nigra, lunula fulva amplexa alteraque concolore minuta anali, omnibus subtus albido-grisescensibus, litura discali geminata, striga pone discum, in posticis angulum analem versus reducta, altera externa maculisque marginalibus in posticis distinctis, brunneis, his macula subanali areolae fulvae imposita alteraque minore anali fulvo intus circumdata atris, atomis interjectis plumbeo-virentibus.* ♀

Luzon. (Lorquin.) Coll. Felder. — Faciem et formam praestat feminae *Dipsadis Epitarbae* Boisd.

**63. Hypolycaena Tharrytas Boisd. in litt.**

*Thecla Tharrytas* Boisd. in litt. ex parte.

*Alis supra fuscis, posticis in utroque sexu area maxima anali glauca, maculis marginalibus strigaque atomaria ante eas nigris, subtus omnibus dilute glaucis, litura discali strigaque continua catenulari luteo-ochraceis, fusco alboque cinctis, posticis maculis duabus subcostalibus totidemque analibus atris, harum exteriore late fulvo cincta.* ♂ ♀

Luzon. (Lorquin.) Coll. Felder. — Alabat. Coll. Semper. — *H. Sipyli* Feld. amboinensis forma geographica, characteribus supra datis manifeste diversa. Cel. Boisduval in collectione sub eodem nomine ambas conjungit formas.

**64. Hypolycaena Astyla Nob.**

*Lycaena Astyla* Boisd. in litt.

*Alis ♂ris supra dilute violasceni-caeruleis, ♀nae fuscis, plumbeo-caeruleo basin versus atomatis, in utroque sexu singulis fasciolis duabus atomariis albis pone cellulam, anticis ♂ris fusco limbatis, posticis utriusque maculis marginalibus nigrescentibus albo cinctis, subtus omnibus albicantibus, basin versus brunnecenti tinctis, singulis maculis tribus discalibus, fascia exteriore in posticis prope angulum analem refracta binisque ante marginem brunneis, fusco alboque cinctis, his maculis duabus marginalibus nigris, plumbeo perspersis, intus fulvo limbatis, anali multo minore.*

Luzon. Coll. Semper et Felder. (Lorquin.) — Facies et color quam maxime similes *Lycaenis* sectionis *L. Strabonis* Fabr. (*Kandaruae* Horsf.), sed alae posticae ad ramum medianum secundum angulatae primo aspectu speciem ab iis rejiciunt.

## Sechs neue europäische Dipteren.

Beschrieben vom Director Dr. **H. Löw** in Meseritz.

**1. Volucella elegans**, ♂ und ♀. — Breviter pubescens, abdominis flavi fasciis duabus alarumque macula centrali nigris. — Long. corp. 7—7½ lin. — long. al. 6½—6¾ lin.

Der *Volucella zonaria* ähnlich, aber kleiner und an dem schwarzen Flügelfleck leicht von ihr zu unterscheiden. Kopf hellgelb, Backen

# ZOBODAT - www.zobodat.at

Zoologisch-Botanische Datenbank/Zoological-Botanical Database

Digitale Literatur/Digital Literature

Zeitschrift/Journal: [Wiener Entomologische Monatsschrift](#)

Jahr/Year: 1862

Band/Volume: [6](#)

Autor(en)/Author(s): Felder Cajetan Freiherr von, Felder Rudolf

Artikel/Article: [Lepidoptera nova a Dre. Carolo Semper in insulis  
Philippinis collecta diagnosibus exposuerunt. 282-294](#)